

**PRAVILNIK
O ARBITRAŽI U ODBOJKAŠKOM SAVEZU
FEDERACIJE BiH**

Tuzla, 12.06. 2024. godine

Na osnovu člana 50 Statuta Odbojkaškog saveza Federacije Bosne i Hercegovine. Upravni odbor na sjednici održanoj 12.06.2024 god. donio je

PRAVILNIK
O ARBITRAŽI U ODBOJKAŠKOM SAVEZU FEDERACIJE
BOSNE I HERCEGOVINE

Član 1.

Ovim pravilnikom se utvrđuje vrsta sporova, postupak i način rešavanja sporova, postupak mirenja i poravnanja, troškovi rada arbitraže, kao i druga pitanja vezana za arbitražu i rad Arbitražne komisije OSFBiH.

Član 2.

Predmet arbitraže u Odbojkaškom savezu FBiH su sporovi nastali između odbojkaških subjekata članova Saveza na bazi prava i obaveza proisteklih iz međusobnih ugovora.

Arbitražna komisija rješava sporove nastale prilikom prelaska igrača iz kluba u klub, iz ugovornih odnosa igrač-klub, trener-klub, kao i prilikom transfera igrača odlaska u inostrani klub i između dva ili više klubova. Arbitražna komisija takođe rješava sporove između igrača i matičnog Kluba kada je u pitanju odlazak igrača na školovanje u stranu državu ili drugi Grad u BiH. Ako igrač-ca ima važeći Ugovor a odlaze u inostrani državu na školovanje ili u drugi Grad u BiH na školovanje ili se vraća u Grad prebivališta ili Grad gdje se školuje, Arbitražna komisija će raskinuti važeći Ugovor a igrač-ca ili Klub plaćaju obeštećenje prema matičnom Klubu po Odluci o zaštiti registracije u OSFBiH.

Član 3.

Arbitražna komisija se formira na nivou Saveza kao nezavisan i samostalan organ koji ima karakter suda.

Odluke Arbitražne komisije su konačne i imaju snagu pravosnažne i izvršne presude. Odbojkaški subjekt je dužan da provede odluku Arbitražne komisije u utvrđenom roku, ako to ne učini, prestaju mu sva prava u Savezu do provođenja odluke.

Član 4.

Arbitražna komisija se sastoji od predsjednika i dva člana, od kojih su najmanje dva diplomirana pravnik.

Predsjednika i članove Komisije imenuje Upravni odbor Saveza na period od četiri godine uz mogućnost ponovnog imenovanja.

Član 5.

Zahtjevom za registraciju, učlanjenjem, izborom ili imenovanjem odbojkaški subjekt prihvata nadležnost Arbitražne komisije u rešavanju nastalih sporova.

Odbojkaški subjekt ne može osporiti nadležnost Arbitražne komisije u rešavanju sporova.

Član 6.

U postupku rješavanja sporova Komisija će pokušati mirenjem i međusobnim poravnanjem riješiti spor između dva ili više odbojkaških subjekata.

Postupak mirenja pokreće jedan od odbojkaških subjekata u sporu ili Komisija na osnovu svog zaključka.

Svaki odbojkaški subjekat, učesnik postupka mirenja, može odustati od istog bez pravnih posljedica.

Odustajanje od mirenja znači da Komisija postupak nastavlja da rješava na osnovu Pravilnika.

Član 7.

Odbojkaški subjekt koji smatra sebe oštećenim u odnosima propisanim članom 2. ovog pravilika, pokreće postupak pred Arbitražnom komisijom.

Postupak se pokreće podnošenjem zahtjeva za pokretanje arbitraže preko kancelarije Saveza. Prilikom pokretanja postupka mora biti naznačen odbojkaški subjekat sa osnovnim podacima, predmet spora, dokazi i prijedlog svjedoka.

Član 8.

Kancelarija Saveza je dužna u roku od 3 (tri) dana upoznati predsjednika Komisije sa zahtjevom za arbitražu od strane odbojkaškog subjekta.

Komisija u roku od 15 (petnaest) dana odlučuje o prihvatanju ili odbijanju zahtjeva za arbitražu.

Član 9.

Ako se zahtjev za arbitražu odbaci, Komisija je dužna odbojkaškom subjektu, koji je podnio zahtjev, pismeno obrazložiti razloge za odbijanje zahtjeva.

U slučaju prihvatanja zahtjeva za arbitražu, Komisija mora postupak završiti u roku od 30 (trideset) dana.

Član 10.

Predsjednik Komisije ili član koga on odredi nakon prijema zahtjeva za arbitražu pristupa ispitivanju podnesenih dokaza, odlučuje o angažovanju predloženih svjedoka i angažovanju svojih saradnika u rješavanju spora.

Nakon prikupljenih dokaza predsjednik Komisije zakazuje usmenu raspravu koja može biti odvojena. Ukoliko odbojkaški subjekti nisu pristali na postupak mirenja ili poravnanja.

Predsjednik Komisije odlučuje koga će od predloženih subjekata pozvati na usmenu raspravu. Usmenoj raspravi prisustvuju odbojkaški subjekti u sporu, odnosno njihovi predstavnici.

U slučaju da se pokretač postupka za arbitražu ne pojavi na usmenoj raspravi, dužan je da pošalje pravnog zastupnika sa ovjerenom punomoći i neće se smatrati da je odustao od zahtjeva.

Član 11.

Rokovi utvrđeni ovim pravilnikom mogu se u složenijem predmetu produžiti na zahtjev učesnika u sporu o čemu odlučuje predsjednik Komisije. Predsjednik Komisije vodiće računa da se postupak ne odugovlači.

Član 12.

Usmene rasprave se po pravilu održavaju u sjedištu Saveza. Na prijedlog stranaka predsjednik Komisije može odlučiti da se rasprava održi i u nekom drugom mjestu.

Član 13.

O toku rasprave vodi se zapisnik koji potpisuju članovi Komisije. Na početku usmene rasprave predsjednik Komisije utvrđuje prisutnost raspravi i urednost uručenih poziva te konstatuje da su stvoreni ili nisu uslovi za obavljanje usmene rasprave.

Član 14.

Odbojkaški subjekat učesnik u sporu može samostalno učestvovati u raspravi, a može angažovati pravne zastupnike u sporu.

Učesnik u sporu 5 (pet) dana prije održavanja usmene rasprave obavještava predsjednika Komisije o angažovanju pravnog zastupnika.

Član 15.

U slučaju potrebe za dodatnim dokazima Komisija može donijeti odluku o samo jednom odlaganju usmene rasprave.

Na ponovljenoj usmenoj raspravi donijeće konačnu odluku o pokrenutom sporu.

Član 16.

Arbitražna komisija donosi odluku većinom glasova ukupnog broja članova Komisije.

Odluka mora sadržavati datum i mjesto donošenja, imena članova Komisije, imena stranaka u sporu, predmet spora, izreku, obrazloženje i rok u kome se odluka mora izvršiti.

Dužinu roka Komisija utvrđuje prema okolnostima spora.

U odluci se određuju troškovi arbitraže i u kojoj mjeri koja stranka u sporu snosi te troškove.

Član 17.

Kancelarija Saveza vodi evidenciju o izrečenim odlukama u arbitražnom postupku sa svim elementima naznačenim u odluci.

Kancelarija odluku dostavlja službeno poštom strankama u sporu i ona postaje izvršna u propisanom roku.

Član 18.

Ako se stranke poravnavaju (dogovore) pred Arbitražnom komisijom, poravnanje se unosi u zapisnik koji potpisuju članovi Komisije i stranke u sporu i konstatuje se u vidu odluke bez obrazloženja.

Potpisano poravnanje u zapisniku ima snagu odluke arbitraže.

Član 19.

Troškovi arbitraže se uplaćuju uz podnošenje zahtjeva za arbitražu i iznose :

-za organizacije 1400 KM + pdv,

-za fizička lica 700 KM+pdv .

Troškovi arbitraže padaju na teret stranke , odnosno odbojkaškog subjekta koji pokrene spor.

Ukoliko dođe do mirenja u sporu, troškovi arbitraže su kako je navedeno u prethodnom stavu , a u slučaju poravnjanja troškovi arbitraže se ravnomjerno dijele na učesnike u sporu.

Član 20.

Tumačenje ovog pravilnika daje Upravni odbor Saveza.

Član 21.

Pravilnik stupa na snagu danom donošenja, stupanjem na snagu ovog Pravilnika stavlja se Van snage Pravilnik o arbitraži u OSF BiH Broj: 1976-06/23 od 21.06.2023 god.

Broj: 2063-06/24

Datum, 12.06.2024 godine

PREDSJEDNIK

Dr.sci. Miloš Jelčić